

Patres nostri in Ægypto non intellexerunt mirabilia tua : * non fuerunt memores multitudinis misericordiae tuae.

Et irritaverunt ascendentes in mare, * Mare rubrum.

Et salvavit eos propter nomen suum : * ut notam faceret potentiam suam.

Et increpuit Mare rubrum, et exsiccatum est : * et deduxit eos in abyssis sicut in deserto.

Et salvavit eos de manu odientium : * et redemit eos de manu inimici.

Et operuit aqua tribulantes eos : * unus ex eis non remansit.

Et crediderunt verbis ejus : * et laudaverunt laudem ejus.

Cito fecerunt, obliti sunt operum ejus : * et non sustinerunt consilium ejus.

Et concupiérunt concupiscentiam in deserto : * et tentaverunt Deum in iniquo.

Et dedit eis petitionem ipsorum : * et misit saturitatem in animas eorum.

Et irritaverunt Moysen in castris : * Aaron sanctum Domini.

Aperta est terra, et deglutivit Dathan : * et opé-

ruit super congregacionem Abiron.

Et exarsit ignis in synagoga eorum : * flamma combussit peccatores.

Et fecerunt vitulum in Horeb : * et adoraverunt sculptile.

Et mutaverunt gloriam suam * in similitudinem vituli comedentis fenum.

Obliti sunt Deum, qui salvavit eos, * qui fecit magna in Ægypto, mirabilia in terra Cham : terribilia in Mari rubro.

Et dixit ut disperderet eos : * si non Moyses electus ejus stetisset in confractione in conspectu ejus :

Ut averteret iram ejus ne disperderet eos : * et pro nihilo habuerunt terram desiderabilem :

Non crediderunt verbo ejus, et murmuraverunt in tabernaculis suis : * non exaudierunt vocem Domini.

Etelevavit manum suam super eos : * ut prosterneret eos in deserto :

Et ut dejiceret semen eorum in nationibus : * et dispergeret eos in regionibus.

Et initiati sunt Beelphe-

gor : * et comederunt sacrificia mortuorum.

Et irritaverunt eum in adinventionibus suis : * et multiplicata est in eis ruina.

Et stetit Phinees, et placavit : * et cessavit quasi satio.

Et reputatum est ei in justitiam, * in generationem et generationem usque in sempiternum.

Et irritaverunt eum ad Aquas contradictionis : * et vexatus est Moyses propter eos : quia exacerbaverunt spiritum ejus.

Et distinxit in labiis suis : * non disperdiderunt Gentes, quas dixit Dominus illis.

Et commixti sunt inter Gentes, et didicerunt opera eorum : et servierunt sculptilibus eorum : * et factum est illis in scandalum.

Et immolaverunt filios suos, * et filias suas demoniis.

Et effuderunt sanguinem innocentem : * sanguinem filiorum suorum et filiarum suarum, quas sacrificaverunt sculptilibus Chanaan.

Et infecta est terra in sanguinibus, et contaminata est in operibus eo-

rum : * et fornicati sunt in adinventionibus suis.

Et iratus est furor Domini in populum suum : * et abominatus est hereditatem suam.

Et tradidit eos in manus Gentium : * et dominati sunt eorum qui oderunt eos.

Et tribulaverunt eos inimici eorum, et humiliati sunt sub manibus eorum : * saepeliberavit eos.

Ipsi autem exacerbaverunt eum in consilio suo : * et humiliati sunt in iniquitatibus suis.

Et vidit cum tribularentur : * et audivit orationem eorum.

Et memor fuit testamenti sui : * et poenituit eum secundum multitudinem misericordiae suae.

Et dedit eos in misericordias * in conspectu omnium qui ceperant eos.

Salvos nos fac Domine Deus noster : * et congrega nos de nationibus :

Ut confiteamur nomini sancto tuo : * et gloriemur in laude tua.

Benedictus Dominus Deus Israel a saeculo et usque in saeculum : * et dicet omnis populus : Fiat, fiat.

Psalmus cxi.

Confitemini Dómino quóniam bonus : * quóniam in sæculum misericórdia ejus.

Dicant qui redempti sunt a Dño, quos redemit de manu inimici : * et de regiónibus congregávit eos:

A solis ortu, et occásu : * ab Aquilóne, et mari.

Erravérunt in solitúdine in inaquóso : * viam civitátis habitáculi non invenerunt,

Esuriéntes, et sitiéntes : * ánima eórum in ipsis defécit.

Et clamavérunt ad Dóminum cum tribularéntur : * et de necessitatibus eórum erípuit eos.

Et dedúxit eos in viam rectam : * ut irent in civitátem habitatiónis.

Confiteántur Dómino misericórdiæ ejus : * et mirabilia ejus filiis hóminum.

Quia satiávit ánimam inánem : * et ánimam esuriéntem satiávit bonis.

Sedéntes in ténebris, et umbra mortis : * vinctos in mendicitáte, et ferro.

Quia exacerbavérunt eloquia Dei : * et consílium Altíssimi irritavérunt.

Et humiliátum est in labóribus cor eórum : * infir-

máti sunt, nec fuit qui adjuváret.

Et clamavérunt ad Dóminum cum tribularéntur : * et de necessitatibus eórum liberávit eos.

Et edúxit eos de ténebris, et umbra mortis : * et víncula eórum dirúpit.

Confiteántur Dño misericórdiæ ejus : * et mirabilia ejus filiis hóminum.

Quia contrívit portas æreas : * et vectes férreos confrégit.

Suscépit eos de via iniquitátis eórum : * propter injustítias enim suas humiliáti sunt.

Omnem escam abomináta est ánima eórum : * et appropinquavérunt usque ad portas mortis.

Et clamavérunt ad Dóminum cum tribularéntur : * et de necessitatibus eórum liberávit eos.

Misit verbum suum, et sanávit eos : * et erípuit eos de interitióne eórum.

Confiteántur Dño misericórdiæ ejus : * et mirabilia ejus filiis hóminum.

Etsacríficent sacrificium laudis : * et annúntient ópera ejus in exsultatióne.

Qui descendunt mare in návibus, * faciéntes operatióne in aquis multis.

Ipsi vidérunt ópera Dómini, * et mirabilia ejus in profúndo.

Dixit, et stetit spíritus procéllæ : * et exaltáti sunt fluctus ejus.

Ascéndunt usque ad cœlos, et descendunt usque ad abyssos : * ánima eórum in malis tabescébat.

Turbáti sunt, et moti sunt sicut ébrius : * et omnis sapiéntia eórum devoráta est.

Et clamavérunt ad Dóminum cum tribularéntur, * et de necessitatibus eórum edúxit eos.

Et státuit procéllam ejus in auram : * et silué runt fluctus ejus.

Et lætáti sunt quia silué runt : * et dedúxit eos in portum voluntátis eórum.

Confiteántur Dómino misericórdiæ ejus : * et mirabilia ejus filiis hóminum.

Et exáltent eum in ecclésia plebis : * et in cáthedra seniórum laudent eum.

Pósuit flúmina in desértum : * et éxitus aquárum in sitim.

Terram fructíferam in salsúginem, * a malítia inhabitántium in ea.

Pósuit desértum in stagna aquárum : * et ter-

ram sine aqua in éxitus aquárum.

Et collocávit illic esuriéntes : * et constituérunt civitátem habitatiónis.

Et seminavérunt agros, et plantavérunt véneas : * et fecérunt fructum nati vitátis.

Et benedíxit eis, et multiplicáti sunt nimis : * et juménta eórum non minorávit.

Et pauci facti sunt : * et vexáti sunt a tribulatióne malórum, et dolore.

Effúsa est contéptio super príncipes : * et erráre fecit eos in invio, et non in vía.

Et adjúvit páuperem de inópia : * et pósuit sicut oves famílias.

Vidébunt recti, et lætabúntur : * et omnis iniquitas oppilábit os suum.

Quis sapiens et custódiét hæc? * et intélliget misericórdias Dómini?

Añã. Visita nos Dómine in salutári tuo.

Añã. Confitebor Dómino.

Psalmus cxij.

Parátum cor meum Deus, parátum cor meum : * cantábo, et psallam in glória mea.

Exsúrge glória mea, exsúrge psaltérium, et ci-

thara : * exsúrgam dilúculo.

Confitébor tibi in pópulis Dómine : * et psallam tibi in natióibus.

Quia magna est super cœlos misericórdia tua : * et usque ad nubes véritas tua.

Exaltáre super cœlos Deus, et super omnem terram glória tua : * ut liberéntur dilécti tui.

Salvum fac dextera tua, et exáudi me : * Deus locútus est in sancto suo :

Exsultábo, et dívidam Síchiman, * et convállem tabernaculórum dimétiar.

Meus est Gálaad, et meus est Manáesses : * et Ephraim suscéptio cápitis mei.

Juda rex meus : * Moab lebes spei meæ.

In Idumæam exténdam calceaméntum meum : * mihi alienígenæ amici facti sunt.

Quis dedúcet me in civitátem munitam? * quis dedúcet me usque in Idumæam?

Nonne tu Deus, qui repulisti nos, * et non exhibis Deus in virtútibus nostris?

Da nobis auxiliúm de tribulatióne : * quia vana salus hóminis.

In Deo faciémus virtútem : * et ipse ad níhilum dedúcet inimicos nostros.

Psalmus cxiij.

Deus laudem meam ne tacúeris : * quia os peccatóris, et os dolósi super me apértum est.

Locúti sunt advérsum me lingua dolósa, et sermónibus ódii circumdedérunt me : * et expugnávérunt me gratis.

Pro eo ut me diligerent, detrahébant mihi : * ego autem orábam.

Et posuérunt advérsum me mala pro bonis : * et ódium pro dilectiône mea.

Constitue super eum peccatórem : * et diábolus stet a dextris ejus.

Cum judicátur, éxeat condemnátus : * et orátio ejus fiat in peccátum.

Fiant dies ejus pauci : * et episcopátum ejus accípiat alter.

Fiant filii ejus órphani : * et uxor ejus vídua.

Nutántes transferántur filii ejus, et mendícet : * et ejiciántur de habitatióibus suis.

Scrutétur fenerátor omnem substántiam ejus : * et dirípiant aliéni labóres ejus.

Non sit illi adjútor : *

nec sit qui misereátur pupillis ejus.

Fiant nati ejus in intéritum : * in generatióne una deleátur nomen ejus.

In memóriam rédeat iniquitas patrum ejus in conspéctu Dñi : * et peccátum matris ejus non deleátur.

Fiant contra Dóminum semper, et dispéreat de terra memória eórum : * pro eo quod non est recordátus fácere misericórdiam.

Et persecútus est hóminem inopem, et mendícum, * et compúctum corde mortificáre.

Et diléxit maledictiõem, et véniet ei : * et nóluit benedictiõem, et elongábitur ab eo.

Et induit maledictiõem sicut vestiméntum, * et intrávit sicut aqua in interióra ejus, et sicut óleum in óssibus ejus.

Fiat ei sicut vestiméntum, quo operítur : * et sicut zona, qua semper præcingitur.

Hoc opus eórum, qui detrahunt mihi apud Dóminum : * et qui loquúntur mala advérsus ánimam meam.

Et tu Dómine, Dómine fac mecum propter nomen

tuum : * quia suávis est misericórdia tua.

Líbera me quia egénus, et pauper ego sum : * et cor meum conturbátum est intra me.

Sicut umbra cum declínat, ablátus sum : * et excússus sum sicut locústæ.

Génua mea infirmáta sunt a jejúnio : * et caro mea immutáta est propter óleum.

Et ego factus sum oppróbrium illis : * vidérunt me, et movérunt cápita sua.

Adjuva me Dómine Deus meus : * salvum me fac secúndum misericórdiam tuam.

Et sciant quia manus tua hæc : * et tu Dómine fecisti eam.

Maledícet illi, et tu benedíces : * qui insúrgunt in me, confundántur : servus autem tuus lætábitur.

Induántur qui detrahunt mihi, pudóre : * et operiántur sicut diplóide confusióne sua.

Confitébor Dño nimis in ore meo : * et in médio multórum laudábo eum.

Quia ástitit a dextris páuperis, * ut salvam fáceret a persecúentibus ánimam meam.

Añā. Confitébor Dómino nimis in ore meo.

Per Annum, V. Dómine exáudi orationem meam. **R.** Et clamor meus ad te veniat.

In Adventu, V. Egredié-tur Dóminus de loco sancto suo. **R.** Veniet ut salvet pópulum suum.

Pro beata Maria, V. Dif-fúsa est grátia in lábiis tuis. **R.** Proptérea benedí-xit te Deus in ætérnum.

AD LAUDES.

Añā. Benigne fac * in bo-na voluntate tua Dómine.

Psalmus. Miserére. 66.

Añā. Bonum est.

Psalmus cxxj.

Bonum est confitéri Dómino : * et psál-lere nómini tuo Altissime ;

Ad annuntiándum mane misericórdiam tuam : * et veritatem tuam per noc-tem ;

In decachórdo, psaltério : * cum cántico, in cíthara.

Quia delectásti me Dó-mine in factúra tua : * et in opéribus mánuum tuá-rum exsultábo.

Quam magnificáta sunt ópera tua Dómine ! * nimis profúndæ factæ sunt cogi-tationes tuæ :

Vir insípiens non cognó-scet : * et stultus non in-télliget hæc.

Cum exórti fúerint pec-catóres sicut fœnum : * et apparúerint omnes, qui operántur iniquitatem :

Ut intéreant in sæcu-lum sæculi : * tu autem Altissimus in ætérnum Dómine.

Quóniam ecce inimíci tui Dómine, quóniam ecce inimíci tui peribunt : * et dispergéntur omnes, qui operántur iniquitatem.

Et exaltábitur sicut uni-córnis cornu meum : * et senéctus mea in miseri-córdia úberi.

Et despéxit óculus meus inimícos meos : * et in insur-géntibus in me malignán-tibus áudiet auris mea.

Justus, ut palma floré-bit : * sicut cedrus Líbani multiplicábitur.

Plantáti in domo Dómi-ni, * in átriis domus Dei nostri florébunt.

Adhuc multiplicabúntur in senécta úberi : * et bene-patiéntes erunt, ut annún-tient :

Quóniam rectus Dómi-nus Deus noster : * et non est iníquitas in eo.

Añā. Bonum est confitéri Dómino.

Añā. Métuant Dómi-num * omnes fines terræ.

Ps. Deus Deus meus. 68.

Añā. Date magnítudi-nem.

Canticum Moysis.

Deut. xxxij.

Audíte cœli quæ lo-quer, * áudiat terra verba oris mei.

Concréscat ut plúvia do-ctrína mea, * fluat ut ros elóquium meum,

Quasi imber super her-bam, et quasi stillæ super grámina. * Quia nomen Dómini invocábo :

Date magnificéntiam Deo nostro. * Dei perfécta sunt ópera, et omnes viæ ejus júdicia :

Deus fidélis, et absque ulla iniquitate, justus et re-ctus. * Peccavérunt ei, et non filii ejus in sórdibus :

Generátio prava atque pervérsa. * Hæccine red-dis Dómino pópule stulte et insípiens ?

Numquid non ipse est pater tuus, * qui possédit te, et fecit, et creávit te ?

Meménto diérum anti-quórum, * cógita genera-tiones singulas :

Intérroga patrem tuum, et annuntiábit tibi : * ma-jóres tuos, et dicent tibi.

Quando dividébat Altís-

simus Gentes : * quando separábat filios Adam,

Constituit términos po-pulórum * juxta núme-rum filiórum Israel.

Pars autem Dómini, pó-pulus ejus : * Jacob funi-culus hereditátis ejus.

Invenit eum in terra de-sérta, * in loco horróris, et vastæ solitúdinis :

Circumdúxit eum, et dó-cuit : * et custodívit quasi pupíllam óculi sui.

Sicut áliqua próvocans ad volándum pullos suos, * et super eos volítans,

Expándit alas suas, et assúmpsit eum, * atque portávit in húmeris suis.

Dóminus solus dux ejus fuit : * et non erat cum eo deus aliénus.

Constituit eum super excélsam terram : * ut coméderet fructus agró-rum,

Ut súgeret mel de pe-tra, * oleúmque de saxo duríssimo.

Butyrum de arménto, et lac de óvibus * cum ádipe agnórum, et arietum filió-rum Basan :

Et hircos cum medúlla trítici, * et sánguinem uvæ bíberet meracíssimum.

Incrassátus est diléctus, et recalcitrávit : * incras-

sátus, impinguátus, dilátatus,

Dereliquit Deum factórem suum, * et recéssit a Deo salutári suo.

Provocavérunt eum in diis aliénis, * et in abominatióibus ad iracúndiam concitavérunt.

Immolavérunt dæmóniis, et non Deo, * diis, quos ignorábant :

Novi recentésque venérunt, * quos non coluérunt patres eórum.

Deum, qui te génuít dereliquísti, * et oblítus es Dómini Creatóris tui.

Vidit Dóminus, et ad iracúndiam concitátus est : * quia provocavérunt eum filii sui et filíæ.

Et ait : Abscóndam fáciem meam ab eis, * et considerábo novíssima eórum :

Generátio enim perversa est, * et infidèles filii.

Ipsi me provocavérunt in eo, qui non erat Deus, * et irritavérunt in vanitátibus suis :

Et ego provocábo eos in eo, qui non est pópulus, * et in gente stulta irritábo illos.

Ignis succénsus est in furóre meo, * et ardébit usque ad inférni novíssima :

Devorabítque terram cum gérmine suo, * et móntium fundaménta combúret.

Congregábo super eos mala, * et sagíttas meas complébo in eis.

Consuméntur fame, * et devorábunt eos aves morsu amaríssimo :

Dentes bestiárum immítam in eos, * cum furóre trahéntium super terram, atque serpéntium.

Foris vastábit eos gládius, et intus pavor, * juvenem simul ac vírginem, lacténtem cum hómine sene.

Dixi : Ubinam sunt? * cessáre fáciam ex homíibus memóriam eórum.

Sed propter iram inimicórum distuli : * ne forte superbírent hostes eórum,

Et dicerent : Manus nostra excélsa, et non Dóminus, * fecit hæc ómnia.

Gens absque consílio est, et sine prudéntia. * Utinam sáperent, et intelligerent, ac novíssima providérent.

Quómodo persequátur unus mille, * et duo fugent decem míllia?

Nonne ídeo, quia Deus suus véndidit eos, * et Dóminus conclúsit illos?

Non enim est Deus noster ut dii eórum : * et inimici nostri sunt júdices

De vénea Sodomórum, vénea eórum, * et de suburbánis Gomórrhæ :

Uva eórum uva fellis, * et botri amaríssimi.

Fel dracónum vinum eórum, * et venénium áspidum insanábile.

Nonne hæc cóndita sunt apud me, * et signáta in thesáuris meis?

Mea est últio, et ego retribuam in témpore, * ut labátur pes eórum :

Juxta est dies perditiónis, * et adesse festinant témpora.

Judicábit Dóminus pópulum suum, * et in servis suis miserébitur :

Vidébit quod infirmáta sit manus, * et clausi quoque defecerunt, residúque consúpti sunt.

Et dicet : Ubi sunt dii eórum, * in quibus habébant fidúciam?

De quorum víctimis comedébant ádipes, * et bibébant vinum libáminum :

Surgant, et opituléntur vobis, * et in necessitáte vos prótegant.

Vidéte quod ego sim solus, * et non sit álius Deus præter me :

Ego occídám, et ego vívere fáciam : percútiám, et ego sanábo, * et non

est qui de manu mea possit erúere.

Levábó ad cælum manum meam, et dicam : * Vivo ego in ætérnum.

Si acúero ut fulgur gládius meum, * et arripúerit júdicium manus meæ :

Reddam ultiónem hóstibus meis, * et his qui odérunt me retribuam.

Inebriábó sagíttas meas sanguíne, * et gládius meus devorábit carnes,

De cruóre occisórum * et de captivitáte, nudáti inimicórum cápitis.

Laudáte Gentes pópulum ejus, * et in servis suis miserébitur : ulciscétur :

Et vindíctam retribuet in hostes eórum, * et propítius erit terræ pópuli sui.

Añã. Date magnitúdinem Deo nostro.

Añã. In cymbalis benesonántibus * laudáte Deum.

Psalmus. Laudáte Dóminum de coelis. 69.

Temp. Advent. Capitulum. Hymnus et v. ut supra in Feria ij. 70.

Capítulum. Rom. xiiij. d

NOX præcéssit, dies autem appropinquávit. Abjiciámus ergo ópera tenebrárum, et induámur

arma lucis. Sicut in die
honeste ambulemus.

Hymnus.

Aurora jam spargit po-
lum :

Terris dies illabitur :
Lucis resultat spiculum :
Discédât omne lúbricum.
Phantasma noctis éxsu-
let :

Mentis reatus corruat :
Quidquid ténébris hórrí-
dum

Nox áttulit culpæ, cadat.
Ut mane, quod nos últi-
mum

Hic deprecámur cernui,
Cum luce nobis éffluat,
Hoc dum canóre cóncre-
pat.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sæcu-
lum. Amen.

V. Repléti sumus mane
misericórdia tua. **R.** Ex-
sultávimus, et delectáti
sumus.

Ad Bened. Aña. Illumi-
náre Dómine * his, qui in
ténébris sedent, et dirige
pedes nostros in viam pa-
cis, Deus Israel.

**Preces, quando dicendæ
sunt, habentur supra in
Feria ij. 72.**

—*—

DOMINICA
AD VESPERAS.

Pater noster. Ave María.

V. Deus in adjutórium.

Aña. Dixit Dóminus.

Psalmus cix.

Exit Dóminus Dó-
mino meo : * Sede
a dextris meis :

Donec ponam inimicos
tuos, * scabellum pedum
tuórum.

Virgam virtútis tuæ
emittet Dóminus ex
Sion : * domináre in mé-
dio inimicórum tuórum.

Tecum princípium in die
virtútis tuæ in splendóri-
bus sanctórum : * ex útero
ante luciferum génu te.

Jurávit Dóminus, et non
poenitébit eum : * Tu es
sacérdos in ætérnum se-
cúndum órđinem Melchí-
sedech.

Dóminus a dextris tuis, *
confrégit in die iræ suæ
reges.

Judicábit in natióibus,
implébit ruínas : * con-
quassábit cápita in terra
multórum.

De torrénite in via bibet : *
proptérea exaltábit caput.

Aña. Dixit Dóminus Dó-
mino meo : Sede a dextris
meis.

Aña. Fidélia.

Psalmus cx.

Confitebor tibi Dómine
in toto corde meo : *
in consilio justórum, et
congregatióne.

Magna ópera Dómini : *
exquisita in omnes volun-
tates ejus.

Conféssio et magnificén-
tia opus ejus : * et justitia
ejus manet in sæculum
sæculi.

Memóriam fecit mirabi-
lium suórum, miséricors
et miserátor Dóminus : *
escam dedit timéntibus se.

Memor erit in sæculum
testaménti sui : * virtútem
óperum suórum annuntiá-
bit pópulo suo :

Ut det illis hereditátem
Géntium : * ópera má-
nuum ejus véritas, et ju-
dícium.

Fidélia ómnia mandáta
ejus : confirmáta in sæcu-
lum sæculi, * facta in ve-
ritate et æquitáte.

Redemptiónem misit pó-
pulo suo : * mandávit in
ætérnum testaméntum
suum.

Sanctum, et terríbile no-
men ejus : * iníitium sa-
piéntiæ timor Dómini.

Inteléctus bonus ómni-
bus faciéntibus eum : *
laudatio ejus manet in
sæculum sæculi.

Aña. Fidélia ómnia man-
dáta ejus, confirmáta in
sæculum sæculi.

Aña. In mandátis.

Psalmus cxj.

Beatús vir, qui timet
Dóminum : * in man-
dátis ejus volet nimis.

Potens in terra erit semen
ejus : * generatio rectó-
rum benedicétur.

Glória, et divítiae in do-
mo ejus : * et justitia
ejus manet in sæculum
sæculi.

Exórtum est in ténébris
lumen rectis : * miséricors,
et miserátor, et justus.

Jucúndus homo qui mise-
rétur et cómodat, dispó-
net sermónes suos in judí-
cio : * quia in ætérnum
non commovébitur.

In memória ætérna erit
justus : * ab auditióne
mala non timébit.

Parátum cor ejus speráre
in Dómino, confirmátum
est cor ejus : * non com-
movébitur donec despi-
ciat inimicos suos.

Dispérsit, dedit paupéri-
bus : justitia ejus manet in
sæculum sæculi, * cornu
ejus exaltábitur in glória.

Peccátor vidébit, et ira-
scétur, déntibus suis fre-
met et tabéscet : * desidé-
rium peccatórum peribit.

Aña. In mandátis ejus cupit nimis.

Aña. Sit nomen Dómini.

Psalmus cxiij.

Laudáte púeri Dómini : * laudáte nomen Dómini.

Sit nomen Dómini benedictum, * ex hoc nunc, et usque in sæculum.

A solis ortu usque ad occasum, * laudábile nomen Dómini.

Excelsus super omnes Gentes Dóminus, * et super cœlos glória ejus.

Quis sicut Dóminus Deus noster, qui in altis hábitat, * et humilia respicit in cœlo et in terra?

Suscitans a terra inopem, * et de stercore erigens páuperem :

Ut collocet eum cum principibus, * cum principibus pópuli sui.

Qui habitare facit stérilem in domo, * matrem filiórum lætántem.

Aña. Sit nomen Dómini benedictum in sæcula.

Aña. Nos qui vívimus.

Psalmus cxiij.

IN éxitu Israel de Ægypto, * domus Jacob de pópulo bárbaro :

Facta est Judæa sanctificatio ejus, * Israel potestas ejus.

Mare vidit, et fugit : * Jordánis convérsus est retrórsus.

Montes exsultavérunt ut arietes : * et colles sicut agni óvium.

Quid est tibi mare quod fugisti : * et tu Jordánis, quia convérsus es retrórsus?

Montes exsultástis sicut arietes, * et colles sicut agni óvium.

A fácie Dómini mota est terra, * a fácie Dei Jacob.

Qui convértit petram in stagna aquárum, * et rupem in fontes aquárum.

Non nobis Dómine, non nobis : * sed nómini tuo da glóriam.

Super misericórdia tua, et veritáte tua : * nequándo dicant Gentes : Ubi est Deus eórum?

Deus autem noster in cœlo : * ómnia quæcúmque vóluit, fecit.

Simulácra Géntium argentum, et aurum, * ópera mánuum hóminum.

Os habent, et non loquéntur : * óculos habent, et non vidébunt.

Aures habent, et non audient : * nares habent, et non odorábunt.

Manus habent, et non palpábunt : pedes habent,

et non ambulábunt : * non clamábunt in gútture suo. Símiles illis fiant qui faciunt ea : * et omnes qui conidunt in eis.

Domus Israel sperávit in Dómino : * adjútor eórum et protéctor eórum est.

Domus Aaron sperávit in Dómino : * adjútor eórum et protéctor eórum est.

Qui timent Dóminum, speravérunt in Dómino : * adjútor eórum et protéctor eórum est.

Dóminus memor fuit nostri : * et benedíxit nobis :

Benedíxit dómui Israel : * benedíxit dómui Aaron.

Benedíxit ómnibus, qui timent Dóminum, * pusillis cum majóribus.

Adjíciat Dóminus super vos : * super vos, et super filios vestros.

Benedícti vos a Dómino, * qui fecit cœlum, et terram.

Cœlum cœli Dómino : * terram autem dedit filiiis hóminum.

Non mórtui laudábunt te Dñe : * neque omnes, qui descéndunt in inférnum.

Sed nos qui vívimus, benedícimus Dño, * ex hoc nunc, et usque in sæculum.

Aña. Nos qui vívimus, benedícimus Dómino.

Capitulum.

2. Cor. j.

Benedíctus Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra.

Hymnus.

Lucis Créator óptime, Lucem diérum próferens,

Primórdiis lucis novæ, Mundi parans oríginem.

Qui mane junctum vésperi Diem vocári præcipis :

Illábitur tetrum chaos, Audi preces cum flétibus.

Ne mens graváta crimine, Vitæ sit exsul múnere,

Dum nil perénne cógitat, Seséque culpís illigat.

Cœléste pulset óstium : Vitále tollat præmium :

Vitémus omne nóxium : Purgémus omne péssimum.

Præsta, Pater píissime, Patrique compar Unice,

Cum Spíritu Paráclito Regnans per omne sæcu-

lum. Amen.

℟. Dirigátur Dómine oratio mea. ℞. Sicut incensum in conspéctu tuo.

Prædictus Hymnus cum suo ℟. dicitur a Dominica II. post Epiphaniam usque ad Dominicam I.

Quadragesimæ. Capitulum vero prædictum dicitur in eisdem Dominicis post Epiphaniam usque ad Septuages. tantum. Dicitur etiam in feriali Officio ab Octava Epiphaniæ usque ad Dominicam I. Quadragesimæ. Similiter et Versiculi.

Añæ autem cum Psalmis semper dicuntur ut supra, quando fit Offic. de Dñica, exceptis Dominicis Adventus quæ habent Añas proprias.

**Canticum B. Mariæ V.
Luc. j. e**

Magnificat * ánima mea Dóminum :

Et exsultávit spíritus meus * in Deo salutári meo. Quia respéxit humilitátem ancillæ suæ : * ecce enim ex hoc beátam me dicent omnes generatiónes.

Quia fecit mihi magna qui potens est : * et sanctum nomen ejus.

Et misericórdia ejus a progénie in progénies * tíméntibus eum.

Fecit poténtiam in bráchio suo : * dispérsit superbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis : * et dívites dimísit inánes.

Suscépit Israel púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sæcula. Glória Patri. etc.

Deinde dicitur Aña, et Oratio propria.

FERIA SECUNDA.
AD VESPERAS.

Aña. Inclinávit.

Psalmus cxv.

Elléxi, quóniam exáudiet Dóminus * vocem oratiónis meæ.

Quia inclinávit aurem suam mihi : * et in diébus meis invocábo.

Circumdedérunt me dolóres mortis : * et pericula inférni invenérunt me.

Tribulatiónem et dolórem invéni : * et nomen Dómini invocávi.

O Dómine libera ánimam meam : * miséricors Dóminus, et justus, et Deus noster miserétur.

Custódiens párvulos Dóminus : * humiliátus sum, et liberávit me.

Convértere ánima mea

in réquiem tuam : * quia Dóminus benefécit tibi.

Quia eripuit ánimam meam de morte : * óculos meos a lácrymis, pedes meos a lapsu.

Placébo Dómino * in regióne vivórum.

Aña. Inclinávit Dóminus aurem suam mihi.

Aña. Crédidi.

Psalmus cxv.

CRédidi, propter quod locútus sum : * ego autem humiliátus sum nimis.

Ego dixi in excéssu meo : * Omnis homo mendax.

Quid retribuam Dómino, * pro ómnibus, quæ retribuit mihi?

Cálicem salutáris accípiam : * et nomen Dómini invocábo.

Vota mea Dño reddam coram omni pópulo ejus : * pretiósia in conspéctu Dómini mors sanctórum ejus.

O Dómine quia ego servus tuus : * ego servus tuus, et fílius ancillæ tuæ.

Dirupísti víncula mea : * tibi sacrificábo hóstiã laudis, et nomen Dómini invocábo.

Vota mea Dño reddam in conspéctu omnis pópuli ejus : * in átriis domus Dñi, in médio tui Jerúsalem.

Aña. Crédidi, propter quod locútus sum.

Aña. Laudáte.

Psalmus cxvj.

LAudáte Dóminum omnes Gentes : * laudáte eum omnes pópuli :

Quóniam confirmáta est super nos misericórdia ejus : * et véritas Dómini manet in ætérnum.

Aña. Laudáte Dóminum omnes Gentes.

Aña. Clamávi.

Psalmus cxvij.

AD Dóminum cum tribulárer clamávi : * et exaudivit me.

Dómine libera ánimam meam a lábiis iníquis, * et a lingua dolósa?

Quid detur tibi, aut quid apponátur tibi * ad linguam dolósam?

Sagittæ poténtis acútæ, * cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cedar : * multum incola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis.

Aña. Clamávi, et exaudivit me.

Aña. Unde véniet.